



Fegl d'infurmaziun / Directivas

1. Situaziun da partenza

La cumissiun administrativa da la Baselgia catolica dal Grischun ha decidì l'entschatta zercladur 2004, suandant la proposta da la lura anc existenta Cumissiun dal fatg per lavur per giuvenils ecclesiastica (FKJ), che lavur da giuventetgna ecclesiastica vegnia sustegnida finanzialmain el rom d'ina piazza da 50%. Quai munta, che supplementarmain als 50% dal Sector dal fatg lavur giuvenila ecclesiastica a Cuera vegnan anc ina giada 50% da la lavur giuvenila finanziads da la Baselgia, tals vegnan dentant repartids sin las differentas regiuns. Quai è fitg raschunavel cunquai ch'il chantun Grischun è tant geograficamain sco culturalmain fitg multifar. Qua tras stabileschan las singulas regiuns u schizunt valladas „lur“ lavur giuvenila specifica.

2. Sustegnt finanziel

La cumissiun administrativa da la Baselgia catolica dal Grischun sustegna sin incarica dal Corpus Catholicum la lavur giuvenila ecclesiastica en il chantun Grischun cun contribuziuns da sustegn finanziel. Ella collavurescha stretgamain cun il Sector dal fatg lavur giuvenila ecclesiastica e surdat a tal ina part da la responsabladad (emprim'examinaziun ed emprima valitaziun da tut las dumondas en arriv).

3. Motivaziun

En las plaivs/vischnancas parochialas dal chantun Grischun mancan savens meds finansials per la realisaziun d'iniziativas ed ideas innovativas e creativas en il sector da la lavur giuvenila ecclesiastica. Cun il susteniment finanziel d'iniziativas e projects da la lavur giuvenila ecclesiastica e da posts da lavur giuvenila ecclesiastica promova la Baselgia catolica dal chantun Grischun en il sector da la lavur giuvenila novums dad in maun e mantegn igl existent sin l'auter maun.

4. Intent

La Baselgia catolica dal Grischun promova e sustegn iniziativas e projects da la lavur giuvenila ecclesiastica en il chantun Grischun che vegn purtada e realisada dad actur(a)s da la promoziun d'uffants e giuvenils. Latiers vegnan sustegnids posts da lavur giuvenila ecclesiastica. Il projects / il post da lavur ecclesiastica ston disponer da duas da las suandantas finamiras d'effect:

- Celebraziun da la cardientscha cristiana/catolica e promoziun d'ina cultura d'ospitalitad, celebraziun d'eveniments en cumpagnia etc.
- Confruntaziun cun il messadi cristian e las valurs cristianas sco era il dialog cun outras religiuns e seculars.
- Promoziun da la participaziun/cundecisiun da giuvenils en process da decisiuns locals, regionalas e chantunals da la Baselgia dal Grischun.
- Promoziun da solidaritad e cumpetenza sociala sco era sco societad che viva la solidaritad cun il umans.
- Promover giuvens a protagonists/as ed acturs/as sco era lur pussaivladads da saparticipar a discussiuns e decisiuns.
- Projects che collian generaziuns e secturs sco era intents che surmuntan cunfins culturals e da munds da viver.
- Accumpognament da giuvenils en process da svilup, da vita e da professiun.
- Projects cun giuvenils per giuvenils dischavantagiads e mantegniment da la creaziun.

5. Criteris d'assegnaziun

a) Ils projects, las iniziativas ed ils posts da lavur giuvenila ecclesiastica cunfinanziads da la Baselia catolica dal Grischun ston correspunder a l'artitgel da l'intent.

b) En emprima lingia èn plaivs/vischnancas parochialas, posts da lavur giuvenila ecclesiastics, associaziuns da giuventetgna ecclesiasticas e gruppas da projects previs sco destinatur da contribuziuns da sustegn tras la Baselia catolica dal Grischun.

En segunda lingia èn acturs generals da la promoziun d'uffants e giuvenils pussaivels sco retschaviders da finanzas (p.ex. vischnancas politicas u posts da lavur giuvenila ecclesiastica communalas). Latiers sto almain in dals projects correspunder a l'intent da questas directivas (artitgel 4).

Decisiva per l'assegnaziun da sustegn finanziel d'ina iniziativa, in project u in post da lavur giuvenila ecclesiastic n'è betg la persuna che tschenta la dumonda, mabain las finamiras resp. finamiras d'effect che l'iniziativa, il project u il post da lavur giuvenila ha.

Nagina persuna na sa far valair pretensiuns sin sustegn.

c) Mintga dumonda sto esser visada d'ina plaiv resp. ina vischnanca parochiala.

d) Il sustegn finanziel entras la Baselia catolica dal Grischun è adina da chapir sco *finanziaziun parziala*. Atgnas prestaziuns ston tut tenor pussaivladad da la persuna che tschenta la dumonda vegnir fatgas u confermadas tras terzs (p.ex. plaivs, fauturs, sponsurs e.u.v.).

e) Tar dumondas che han sco finamira la finanziaziun parziala d'in post da lavur giuvenila ecclesiastic sto esser visibel in accent en la lavur giuvenila ecclesiastica. Quai pon esser iniziativas / projects concrets en il sector da la lavur giuvenila ecclesiastica u ch'il post da lavur giuvenila ecclesiastica drizza il focus durant l'onn da gestiun sin in aspect determinà (□ finamira d'effect) e promova quel intenziunalmain.

f) A mintga dumonda è d'aggiuntar ina decleraziun cumpletta dal project/concept dal post da lavur giuvenila ecclesiastica ed in preventiv detaglià.

g) Il petent/a s'oblighescha cun il retschaviment dal sustegn finanziel da trametter al post specialisà per lavur giuvenila enfin il pli tard sis mais suenter il retschaviment / da l'onn da gestiun in rapport da project resp. experientscha.

6. Dumonda

a) Il petent/a inoltescha la dumonda tar il post specialisà per lavur giuvenila ecclesiastica da la Baselia catolica dal chantun Grischun almain 6 – 8 emnas avant il cumenzament dal project, resp. cumenzament da l'onn da gestiun dal post da lavur giuvenila.

Inolteschaa in post da lavur giuvenila ina dumonda sto quai succeder tras il post purtader (plaiv resp. vischnanca parochiala). Tar inoltraziuns da projects è la direcziun dal project responsabla per inoltrar la dumonda.

b) Il post specialisà per lavur giuvenila ecclesiastica examinescha la dumonda. Mancan singulas parts, vegn la dumonda renviada enfin l'inoltraziun dals documents cumplets.

c) Mintga dumonda vegn examinada entras il post specialisà per lavur giuvenila ecclesiastica ed transmessa cun ina brev da recumandaziun correspondent a la cumissiun administrativa.

d) La decisiun davart sustegn finanziel è tar la cumissiun d'administraziun da la Baselia catolica dal chantun Grischun.

e) La cumissiun d'administraziun infurmescha directamain il petent/a davart la decisiun en furma scritta. En il distributor da la brev da decisiun èn er il post specialisà per lavur da giuventetgna ecclesiastica ed il manader/a dal departement Posts specialisads da la cumissiun d'administraziun.